

# DEMISSIONE LEGATORVM IAPONEN

sium ad Romanam curiam, rebusq; in  
Europa, ac toto itinere animaduersis


DIALOGVS

EX EPHEMERIDE IPSORVM LEGATORVM COL-  
LECTVS, & IN SERMONEM LATINVM VERSVS

ab Eduardo de Sande Sacerdote Societatis

IESV.

R. 14.230



In Macaensi portu Sinici regni in domo  
Societatis I E S V cum facultate  
Ordinarij, & Superiorum.

Anno

1590.



De varijs operibus à Philippo rege extractis, præsertim Escurialensi, & accessu ad urbem Alonem, siue Alicantum.

Colloquiũ decimum nonum.

LEO.



Vita sanè, & admiranda fuerunt, quæ de Philippo rege superiori colloquio prædicasti: sed adhuc plura audiendi auidæ quadam expectatione tenetur animus, nec, si plura commemorares, fastidire unquam poterit. MICHAEL. Diuturna profectò oratione opus esset, si omnia, quæ in ea sede regia à nobis sunt notata, mihi essent percensenda. Cùm enim Philippus rex sit potentissimus, & amplissimam iurisdictionem habeat, noua quotidie in eius sede regia conspiciuntur, non variorum principum, ac dynastarum ad eum inuisendum aduentu, miræque multarum rerum varietate in vnum locum comportata. Mei tamen muneris non est omnia persequi, sed præcipuis relatis, Europæarum rerum statum ante oculos mentium vestrarum proponere. Ut ergo ad narrationem redeam, postridie eius diei, regis sororem, eandemque imperatricem inuisere, nostri officij esse duximus. Id illa præsciens misit ad nos lecticas duas curules, quibus utitur, totidæque suas ipse rex Philippus, quibus quatuor ad imperatricis palatium veheremur. Qua in re manifestè perspicere licet regis, sororisque in nos amorem: cùm nullis alijs lecticis aliorum ducum, aut dynastarum, quæ in numerum propè sunt, nos vehi sint passi, sed proprijs, quibus utuntur, nos fuerint dignati. Erat imperatrix vndique nobilissimis puellis, & matronis circumstipata, inter eas in primis numerabatur Leonora Mascarenia nobilissima matrona Lusitana ex eadem familia, ex qua pro regem Indiæ, quem inuisimus, esse dixi: sub cuius institutione, ac disciplina Philippus rex adhuc puer primam ætatē egit. Et cum eam

D d

ob



magnitudine, quam ex ipsius sacre crucis ligno à Diuo Hieronymo, vno ex ecclesie doctoribus, excisam, & exculptam esse, memoria prodicium est. Subtus verò collocatus est vnus ex illis sacris clavis, quibus Christus dominus cruci affixus fuit: omnes autè circumstantes partes gemmis, vnionibusq; sunt circum ornata. Vltimum cubiculum, quod vidimus, priuatum ararium regis est, argentea numismata sex maximis arcis continens, quarum singula quadringenta aureorum millia capere dicebatur. Ultra quas, sex etià vidimus scrinia, auri signati maximam summam complectentia, quæ graui alicui necessitati intacta reseruantur. Hæc sunt, quæ mihi dicenda se obtulerunt de Philippi regis opibus, quarum pretium, æstimationemq; vix intelligere potest, nisi qui eius amplissimam supellectilem oculis fuerit intutus. Alia sunt etiam aspectu iucundissima in eadem curia regia, quæ singula, propter eorum multitudinem, à me commemorari non possunt, ne vobis longa narratio fastidium pariat. Addam tamen superioribus, ibidem à nobis visas fuisse duas quædam bestias prodigiæ veluti naturæ, Elephantem videlicet, & Rhinocerotem, qui ex India in Lusitaniã, & inde Matritum sunt delati, & propter vastam corporis molem, in uisitandamq; figuram, quasi naturæ prodigia omnibus spectanda, ibidem seruantur. LINVS. Cùm ista à vobis commemorata audimus, non possunt non inuidiam quandam, atq; æmulationis studium in nostris animis excitare, quandoquidem vos tam multarum rerum cognitione imbutos in patriam reuertentes conspiciamus. MICHAEL. Istius inuidiæ faces vestris animis adnotas quotidie magis inflammari videbitis, quoties in colloquiorum progressu plura, & admirabiliora vobis proponi intellexeritis. Matriti triginta septem dies morati sumus, tū, propter multarum rerum spectandarum varietatem, tum etià propter grauem, ancipitemq; Martini nostri morbum, ex quo, cùm viginti dies periculosè laborasset, adhibita ab optimis, regisq; medicis diligētia, paerumq; Societatis, cum quibus nobis hospitium erat, cura, tandem coualuit, & postremo die, quo Matriti fuimus, qui fuit septimus ante Calendas Decembris diuæ Catharinæ sacer, regem dynastarum, nobiliumq; frequentia stipatum, ad collegium Societatis venientem multo idē diū vidimus, intelleximusq;, illud à nobis magni beneficii loco esse numerandum, quòd rex cum regio comitatu eum locū peteret